



Inatsisartunut ilaasortaq  
Naaja Nathanielsen, Inuit Ataqatigiit  
/maani

Asasara Naaja,

Qujanaq § 37 naapertorlugu apeqqtinnut:

”Nunanut allanut politikkikkut Naalakkersuisut isumaliutersorneranni iliuseqarnerannilu Kinap nalinginnaasumik inuit pisinnaatitaaffii pillugit iliuseqarnerat pingaartumillu Kinap Tibetimut attaveqarnera, qanoq nalilersuivigineqartarpa?”

Qularutissaanngitsumik Naalakkersuisut isumaqarput, inuit pisinnaatitaaffii tamanut atuuttut, taamaammallu nunarsuarmi sumiluunniit innunut tamanut atuuttut. Inuit pisinnaatitaaffiisa pitsaanerulersinneqarnissaannik Naalagaaffeqatigiit aallartitaasa sorsuuteqartuarnerinut Naalakkersuisut ukiuni arlalinngortuni peqataalluarsimapput. Nunarput eqqarsaatigalugu Inuit Pisinnaatitaaffiinut Kalaallit Nunaata Siunnersuisoqatigiivisa pilersinnerisigut piffissami kingullermi suliaqarfimmut tunngatillugu najukkani suliniuteqarneq aallartipparput.

Kina inuillu pisinnaatitaaffii pillugit apeqqtut ukiuni arlaqartuni oqallisaasimaqaaq, pingaartumik nunat killiit akornanni. Maannakkut killiffiuvoq, oqaloqatigiinneq kinguneqartussamillu isornartorsuisarneq aqutissatut isigineqalernerat. Taamaammat Naalagaaffeqatigiit Kinami naalakkersuineramik ingerlatsisut inuillu pisinnaatitaaffii pillugit apeqqtunut tunngatillugu oqimaaqatigiissaariniarsaripput, tassani suliassat isornartortalit isumatusaartumik isumagineqartarlutik. Tassa Naalagaaffeqatigiit pingaarnertut isummersoriaasiat Naalakkersuisunit malinneqarpoq. Tibetimut tunngatillugu apeqqtunik oqallittoqalertillugu pissusissamisussaaq apeqqtutip oqallisigineqarnissaa - soorlu Kinami præsidentip juuni qaammat Danmarkimut tikeraarnerani Statsministerip tamanna pillugu oqaloqatigigaa, aamma nunanut allanut ministerip Kinami nunanut allanut ministeri tamatuminnaga oqaloqatiginnittoq.

3. december 2012  
Suliap normua  
All. nr.

Postboks 1015  
3900 Nuuk  
Oqarasuaat (+299) 34 50 00  
Allakkanik nassitsigasuaat  
(+299) 32 50 02  
E-mail: govsec@nanoq.gl  
www.nanoq.gl

Inussiarnersumik inuulluaqqusillunga  
Med venlig hilsen

Kuupik V. Kleist